



## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Complectens Constitutiones ab Alexandro VIII. Innocentio XII. & Clemente  
XI. editas

**Luxemburgi, 1739**

CXXIII. De habilitatione Magistrorum Novitiorum, & 4 Lectorum Congreg.  
Cælestinorum ad Abbatiam.

---

[urn:nbn:de:hbz:466:1-74715](https://nbn-resolving.org/urn:nbn:de:hbz:466:1-74715)



*Marchitelli* -- Io Marco Marchitelli affermo quanto di sopra mano propria.

*Bigelli* -- Io Antonio Girolamo Bigelli affermo quanto di sopra mano propria.

*Petrucci* -- Io Felice Angelo Petrucci affermo quanto di sopra mano propria.

*Sartori* -- Io Baldassarre Sartori confermo quanto sopra mano propria.

*Puyol* -- Io Gabriel Puyol confermo quanto sopra mano propria.

*Spinacciati* -- Io Francesco Spinacciati confermo quanto sopra mano propria.

Preces Magistrorum, & Punctatoris, ac causae huius Constitutio nis.

§. 1. Cum autem, sicut eadem expositio subijungebat, Exponentes praedicti Decreta huiusmodi, utpote accurato, & exacto dictae Capellae Nostrae servitio, salubrique dicti Collegii directioni conducibilia, quo firmius subsistant, nec in vim facultatis ipsi Collegio per dictas Sixti Praedecessoris Literas, sicut praeimitur, concessae in futurum revocari, mutari, corrigi, reformari seu alterari valeant, Apostolicae confirmationis Nostrae patrocinio communiti, illorumque observantiam, itaut quemadmodum unanimi totius Collegii praefati consensu edita fuerunt, sic ab illis non nisi pari consensu, & accedente ad id Apostolica, seu pro tempore existentis eiusdem Collegii Protectoris auctoritate, recedi nullo modo possit, constabili summopere desiderent. Nobis propterea humiliter supplicari fecerunt, ut in praemissis opportune providere, & ut infra indulgere de benignitate Apostolica dignaremur.

§. 2. Nos igitur eorumdem Exponentium votis hac in re quantum cum Domino possumus, favorabiliter annuere volentes, eorumque singulares personas a quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis a jure, vel ab homine quavis occasione, vel causa latis, si quibus quomodolibet innodatae existunt, ad effectum praesentium dumtaxat consequendum, harum serie absolventes, & absolutas fore censentes, huiusmodi supplicationibus inclinati, omnia, & singula praesentia Decreta auctoritate Apostolica, tenore praesentium confirmamus, & approbamus, illisque inviolabilis Apostolicae firmitatis robur adjicimus; ac omnes, & singulos Juris, & facti defectus, si qui desuper quomodolibet intervenerint, supplemus.

Confirmatio relatorum Decretorum.

Clausula.

§. 3. Decernentes easdem praesentes Literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis, ad quos spectat, & pro tempore quocumque spectabit in omnibus, & per omnia plenissime suffragari, & ab eis respective inviolabiliter observari: sicque in praemissis per quoscumque Iudices Ordinarios, & Delegatos, etiam Causarum Palatii Apostolici Auditores judicari, & definiri debere; ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 4. Non obstantibus praefatis Sixti Praedecessoris Literis, aliisque praemissis, ac Constitutionibus, & Ordinationibus Apostolicis, necnon Capellae, & Collegii praedictorum, etiam juramento, confirmatione Apostolica, vel quavis firmitate alia roboratis Statutis, & consuetudinibus; privilegiis quoque, Indultis, & Literis Apostolicis in contrarium praemissorum quomodolibet concessis, confirmatis, & innovatis. Quibus omnibus, & singulis, illorum tenores praesentibus pro plene, & sufficienter expressis, & ad verbum insertis habentes, illis alias in suo robore permanentibus, ad praemissorum effectum hac vice dumtaxat specialiter, & expresse derogamus, ceterisque contrariis quibuscumque.

Datum Romae apud S. Mariam Majorem sub Annulo Piscis, die XVI. Julii MDCXCIX. Pontificatus Nostri Anno Nono.

Confirmantur duo Decreta Capituli Gen. Congreg. Caestlinorum Ord. S. Benedicti circa habilitationem Magistrorum Novitiorum, & quatuor Lectorum ad Abbatiam.

CXXXIII.

*Idem concessum fuit aliis Lectoribus, & confirmatae Constitutiones ab Urb. VIII. Constit. edita 1626. Julii 8. P. 3.*

INNOCENTIUS PAPA XII.

Dat. 25. Julii 1699. An. 9.

*Ad futuram rei memoriam.*

EXponi Nobis nuper fecit dilectus filius modernus Abbas Gener. Congregationis Monachorum Caestlinorum Ordinis S. Benedicti, quod ipse ad majorem Dei gloriam, & dictae Congregationis incrementum, illiusque Monachorum, ut non minus in Religiosis virtutibus, quam literarum studiis magis, magisque proficiant, incitamentum, tria Decreta in Capitulo Generali dictae Congregationis anno 1698, celebrato ab omnibus illius Vocalibus concorditer acceptato edi curavit, nempe Primum, quod Magistri Novitiorum ejusdem Congregationis post sexennium in exercitio muneris Magisterii Novitiorum huiusmodi peractum, privilegio Priorum actualium, & triennialium gaudeant, ad hoc, ut ad gradum Abbatialem de Jure habiles reddantur. Secundum, quod ii Monachi praefatae Congregationis, qui jam memoratum munus Magisterii Novitiorum per integrum sexennium exercuisse reperiuntur eodem privilegio gaudere debeant, & de facto ad dictum gradum Abbatialem habiles sint. Tertium denique, quod praeter Lectores Monasteriorum Congregationis huiusmodi in quibusdam fe. re. Urbani PP. VIII. praedecessoris nostri literis nominatorum Lectores, aliorum quatuor scilicet S. Mariae de Corropoli, & de Casaluce, ac S. Bartholomaei Luceren., nec non S. Stephani Bononien. Monasteriorum ejusdem Congregationis, qui vel Philosophiae, vel Theologiae scholasticae lectionem in quatuor Monasteriis huiusmodi per duodecim annorum spatium exercuerint, dicto privilegio Priorum actualium, & triennialium similiter gaudeant, ac etiam ad praedictum gradum Abbatialem de Jure habiles existant.

Causa dd. Decretorum an. 1698.

1. de Magistris futuris.

2. de Magistris praesentibus.

3. de Lectoribus de Corropoli, de Casaluce, Luceren., & Bononien.

Preces Abbatis Gen.

Confirmatio duorum Decretorum ex tribus relictis cum moderazione quoad secundum.



rat Diffinitorii Generalis, vel Provincialis dictæ Congregationis approbatio, seu declaratio super laudabili exercitio, ac Tertium Decreta hujusmodi super Lectoribus prædictorum quatuor Monasteriorum auctoritate Apostolica tenore præsentium approbamus, & confirmamus, illisque inviolabilis Apostolicæ firmitatis robur adjicimus, ac omnes, & singulos juris, & facti defectus, si qui desuper quomodolibet intervenerint, supplemus, salva tamen semper in præmissis auctoritate Congregationis eorundem Cardinalium.

Clausulæ.

§. 2. Decernentes easdem præsentis Literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis ad quos spectat, & pro tempore spectabit in omnibus, & per omnia plenissime suffragari, & ab eis respective inviolabiliter observari: Sicque in præmissis per quoscumque Judices Ordinarios, & Delegatos, etiam Causarum Palatii Apostolici Auditores, judicari, & definiri debere; ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 3. Non obstantibus Constitutionibus, & Ordinationibus Apostolicis, ac dictæ Congregationis Monachorum, etiam juramento, confirmatione Apostolica, vel quavis firmitate alia roboratis, Statutis, & consuetudinibus; privilegiis quoque, Indultis, & Literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores præsentibus, pro plene, & sufficienter expressis, ac de verbo ad verbum insertis habentes, illis alias in suo robore permanens, ad præmissorum effectum hac vice dumtaxat specialiter, & expresse derogamus, cæterisque contrariis quibuscumque.

§. 4. Volumus autem, ut earundem præsentium Literarum transumptis, seu exemplis, etiam impressis, manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides ubique locorum tam in Judicio, quam extra illud habeatur, quæ haberetur ipsis præsentibus si forent exhibitæ, vel offensæ.

Datum Romæ apud S. Mariam Majorem sub Annulo Pisc. die XXV. Julii MDCXCIX. Pontificatus Nostri Anno Nono.

CXXIV.

Communicantur gratiæ spirituales Congregationis Casinensis Benedictinis Monasterii Mellicensis in Austria.

*Similis communicatio facta Congregationi Bavarica extat Const. ed. 1691. Aug. 11. P. 1. Et Clem. XI. Const. ed. 1714. Off. 3. P. 14. pro Congregatione Monachorum in Bohemia.*

Dat. 24. Sept. 1699. An. 9.

INNOCENTIUS PAPA XII.

*Ad futuram rei memoriam.*

Exordium.

Pastoralis officii, quo Catholica Ecclesiæ per universum Terrarum Orbem diffusa regimini divina dispositione præsidemus, sollicitudo Nos admonet, ut paternam Virorum Religiosorum Altissimi obsequiis sub suavi Monastica vitæ jugo mancipatorum curam gerentes, prosperis eorum in via Domini progressibus, quantum Nobis ex alto conceditur consulere jugiter studeamus.

Preces Monachorum, & cause communicatio.

§. 1. Cum itaque sicut dilecti filii Abbas, & Monachi Monasterii Mellicensis in Austria inferiori Sedi Apostolicæ (ut asseritur) immediate subiecti Ordinis Sancti Benedicti Nobis nuper exponi fecerunt, Monasterium prædictum magno

Religiosorum uberes in illis partibus bonorum operum fructus, adspirante superni favoris auxilio proferre jugiter satagentium numero introductum sit, ipsi vero exponentes pro majori ejusdem Monasterii augmento, feliciorique illius directione omnia, & singula privilegia, gratias, Indulgentias, favores, & Indulta tam hæcenus concessa, quam in posterum concedenda, quibus Congregatio Casinensis Monachorum Ordinis prædicti, ejusque Abbates, & Monachi, aliæque personæ quæcumque etiam per viam communicationis, vel extensionis, aut alias quomodolibet fruuntur, & gaudent, ac frui, & gaudere possunt, & poterunt in futurum, sibi, dictoque eorum Monasterio a Nobis communicari plurimum desiderant. Nos ipsos Exponentes specialibus favoribus, & gratiis prosequi volentes, & eorum singulares personas a quibusvis excommunicationis, suspensionis, & interdicti, aliisque Ecclesiasticis sententiis, censuris, & penis a jure, vel ab homine quavis occasione, vel causa latis, si quibus quomodolibet innodata existunt, ad effectum præsentium dumtaxat consequendum, harum serie absolventes, & absolutas fore censentes, supplicationibus eorum nomine Nobis super hoc humiliter porrectis inclinati, de Venerabil. Fratrum nostrorum S. R. E. Cardinalium negotiis & consultationibus Episcoporum, & Regularium præpositorum consilio prædictam communicationem quoad gratias spirituales tantum auctoritate Apostolica, tenore præsentium concedimus, salva tamen semper in præmissis auctoritate Congregationis eorundem Cardinalium.

Communicatio præd.

Clausulæ.

§. 2. Decernentes easdem præsentis literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis ad quos spectat, & pro tempore spectabit, in omnibus, & per omnia plenissime suffragari: Sicque in præmissis per quoscumque Judices Ordinarios, & Delegatos, etiam Causarum Palatii Apostolici Auditores judicari, & definiri debere, ac irritum, & inane si secus super his a quoquam quavis auctoritate scienter, vel ignoranter contigerit attentari.

§. 3. Non obstantibus nostra de non concedendis Indulgentiis ad instar aliisque Constitutionibus, & Ordinationibus Apostolicis, cæterisque contrariis quibuscumque.

Datum Romæ apud S. Mariam Majorem sub Annulo Piscar. die XXIV. Sept. MDCXCIX. Pontificatus nostri Anno Nono.

Mandatur, ut in Provincia S. Joannis Baptistæ in Regno Peruano Ordinis Prædicatorum servantur Constitutiones Capitulum Gen. circa successionem FF. conjunctorum in Prioratibus.

CXXV.

*De reductione Magistrorum vid. Constitut. ed. 1695. Sep. 21. P. 5. Et de translatione Cadaverum pro hac Provincia Clem. XI. Constit. ed. 1716, Jun. 3. P. 16.*

INNOCENTIUS PAPA XII.

*Ad futuram rei memoriam.*

Dat. 9. Oct. 1699. An. 9.

Exponi Nobis nuper fecit dilectus filius Hieronymus Salzedo Frater expresse professus Provinciae Sancti Joannis Baptistæ in Regno Peruano Ordinis Prædicatorum, quod cum dilectus etiam filius Didacus Moratto Prior Provincialis dictæ Provinciae in novissimo illius Capitulo Provinciali die 24. Julii 1697. celebrato ad Officium Prioris Provincialis hujusmodi electus, ejusque Procurator ad hanc Almam Urbem missus varia consilia, & conatus meditarentur, ut ipsius Didaci Fratres secundum carnem dicti Ordinis

Referuntur Constitutiones, & Cause Mandati.

professores